



~~C7887~~

40

Ud 7040.



stdr0012418

Biblioteka Jagiellońska

Id.: Ud 7040

- 1,
- 2, Discursus contemporaneus.
- 3, Considerationes monetales.
- 4, Kurze und gründliche Deduction
- 5, id. latine
- 6, Deductio rei monetalis
- 7, Discursus de re monetaria.
- 8, Epistola mercatoris.
- 9, Dowol iarmy etc.
- 10, Versuch und fleißig Linderken.

27

DISCVRSVS
CONTEMPO-
RANEVS

De
Causis aucti val-
oris monetarij

IN
REGNO POLONO

Pro
Innocentiâ officinæ Regiæ
&
Redituum publicorum in-
demnitatē.

¶[:]¶

ANNO
∞ 15 C XXXVI.

Cum de reducendo monetæ valore variis hic
 isthic rumusculis certatur, solenne fere id fie-
 ri experimur; ut limites dicendi negotij præ-
 tervecta acerbitas in incudem monetariam au-
 dentius insurgat: atq; ita verò de mutato nummi pretio
 fermocinetur, ut quæ extrinsecus eidem obvenire, ac
 aliunde, in ipsas monetæ fabricas ac officinas conjician-
 tur: tanquam si nulla esse possit nummi inquietudo, nisi
 ex illo loco, in quo cudi is solet, ac formari. Qui un-
 error est nimio immitis, atq; in eos præsertim, qui cu-
 denda monetæ per officinas publicas inspectionem su-
 stinuerant, ac disciplinam, magnopere iniquus; ita
 temporius cohibendus; priusquam fidem criminationi
 faciat tempus, aut inepta credulitas vulgi. Quemad-
 modum enim & multi & diversi casus aliquid sibi in pe-
 cuniam quandoq; vendicant: ita quam maxime quidem
 nummi valor alienæ expositus est fraudi, ac cupiditati.
 Sicuti vel ijs potissimè in locis, ac urbibus, quæ mercato-
 res alunt, deprehensu nemini potest esse difficile, qui
 paulò diligentius attenderit ijs, quæ pervulgatò gerun-
 tur.

I. Primo enim à naturâ penè ipsâ quem-
 que eò ferri videmus, ut rebus ac possessionibus suis,
 quam possit fructuosissimè utatur: sive in mercibus ea
 consistant, ac fundis; sive in pecuniâ numeratâ. Ex
 quo nemo omnium novi quicquam sibi visus est rebus
 humanis, aut communi eorum, qui negotijs suis rectè
 præsesse volunt, instituto adjicere, si vel nummus et-
 iam, justè quæstus, adscritij cujusdam lucri augmen-
 to, & cum fors aut occasio ferat, supra veterem æstima-
 tionem expendatur. Quin cum non contemnendæ so-
 lertix speciem, apud ærularios nummifugos, opinio
 ea semel induisset, nulla amodò explendæ istius cupi-
 ditatis media aut instrumenta videri poterant in decora-

II. Inprimis verò Debitorum aperta quædam increbuit audacia in elevandum monetæ valorem. Cum quæ suum repetunt, haud facile id, quod exigunt, consequuntur, nisi Thalerum, vel Aureum, & si quid simile sit monetæ, grosso amplius unò aut altero æstimatum obtrudi sibi patiantur. Id quod minori quidem periculo hi ferre se posse credunt, quàm ut prorogatione novæ incertæ aut tardæ solutionis alea subeatur. Neque profectò infitiri licet, tantoperè blandum id petulantia genus placuisse, ut confestim omnes, cum uni aut alteri ex voto cessisset, invaserit Debitores: sicuti plerumque prompta est in vetitis, in lucro etiam præceps imitatio.

III. Deinde & ipsi quoque Creditores, qui recenti obtrusæ monetæ augmento per nundinas & commercia luserant, suas respexere vires. neque deterioris voluere conditionis esse, quam fuerant Debitores; vel potius piguit esse melioris fidei, aut animi vilioris: postquam aliorum conatus, ad libertatem vel licentiam receptos publicæ negotiationis consensus videretur approbasse. Atque ita post vagam & implicitam geminæ malignitatis colluctationem singulis annis, vel etiam citius tardiusve, monetæ in novum subinde augmentum intravit.

IV. Sed & major quæpiam vis admota: & ab immani isto flagitio, quo meliores ac ponderosiores nummi, iniquissimis simebellæ compendijs excerpti, in confines & exterarum regiones exportari consuevere, monetæ valor subinde fuit extensus. In Regno præsertim Polono. Quod cum in tantâ argenti, aliarumque rerum omnium incomparabili affluentia, meliore ac præstantiore perpetim uteretur monetâ, quam vel ulla alia regio contermina, aut confinis; felicitatis suæ propediem reperit insidiatores. Qui tantæ ubertatis commoditati-

-al. II

bus il-

bus illecti, omnes huc intendere vires, ut fertilissimi regni divitias callidis ipsi interciperent artibus, ac blandimentis: proba omni, veterique monetâ foras exportatâ. Neque dubium esse potest, quin ea improbitas totum subactura fuisset Regnum, nisi providentia Regia, Regni constitutiones, antequam scelus omne exequeretur, oppressissent. unde spes affulserat non-incerta, optatas tandem ab iniquitate & inquietudine istâ ferias conventum iri: atque nunc tandem argentum Sarmaticum ab hirudinibus ac mangonibus istis fore tutum. Cum præsertim ipsarum etiam civitatum Magistratus, atque inprimis maritimi Gedanenses omni in id incumberent laudabilis solertia, ac vigilantissimæ animadversionis genere, ne quid istorum intra pomeria sua delinqueretur. Sed maximam partem frustra, & in casum! quia totiens id rediret malum, quotiens proscriberetur: excisum repullularet; sublatum revivisceret. Regni etiam nunc litoribus ac terris oberrans.

V. At ne verò uno fraudis aut furti genere Regni perirent facultates, nequities porro accessit alia: & in locum præstantissimæ monetæ suffecta deterior, ac peregrina. Eoque tam callido permutationis aut emptio- nis commento Polona monetæ, omni aliâ melior, non absorpta solum, sed & aucti valoris intemperie tanto infecta fuit astu ac æstu, ut nemo, nisi de facilitate & imprudentiâ suâ conqueri potuerit, tamen nefario scelere circumventus esset.

VI. Quin & ita populo, ex ipsâ commerciorum consuetudine, placuisse videmus, ut cum apud externos Polona monetæ tanti fieret; in ipsâ etiam Patriâ majori æstimo inciperet frequentari. transitura aliòquin in amplexus ac desideria peregrinorum.

Eo nempe modo, eaque factum fuerat ratione, ut in Regno Sarmatarum subinde accresceret monetæ preti-

A3

um, ac

um, ac valor. Quæ qui in eundem monetariam, alibi
nata productaq, referre a modò annitatur, nimis is pro-
fectò contumaciter errarit. Cum præfertim nemini pos-
sit esse ignotum, quiescentibus Officinis, nullòq, num-
mò cufò, æstimationi tamen ac pretio monetæ quæpi-
am obrepisse incrementa: Thalerò à grossis triginta
sex, ad grossos usq, quadraginta duos elato. Id quod
utiq, eò tum tempore evenire non potuisset, sin in offi-
cinis monetarijs posita ea sit inquietudo. Quam istæ
omnibus potius modis ivere præcautum: hoc sine, eòq,
consiliò ad operas publicas redire iussæ, ut & desultori-
us iste nummarij valoris ascensus cohiberetur; atq, pe-
regrinæ una simul monetæ illuvies à sinibus Regni hoc
ipso excluderetur, sicubi Patriæ ac nativæ esset satis.
Quæ quam proficua ac necessaria hucusq, Poloniæ fue-
rit Regno, vel solæ ex certissimo indicio esse possunt
sollicitæ consultationes, quas de resarciendo minutio-
ris pecuniæ defectu passim agitari videmus. Utur nimis
fortè festinatò, aut præcipitanter. Quippe quod non
tam dolo erepta esse videatur Regni commodis pecunia
minuta; quam pavore quodam plebejo sequestrata, se-
positavè ad tempus: usq, dum nempè de pretio Thaleri,
cui passim metuitur malè, Comitiorum eventus, certio-
ra nunciet, & quod speratur, meliora. Quemadmo-
dum enim nec ullà hoc tempore urgemur causà, cur de
augmento aut pretio monetæ magnopere quiritemur:
neq, in omni sit monetæ aut valoris monetarij incremen-
to, quod culpam habeat, aut noxam: cum & olim pro-
desse regno ea visa fuerit necessitas, compingendæ re-
tinendavè intra Regni limites ubertati. Ita isti etiam-
num, sin quod est optimum velimus imitari, firmiter
adherere oportebit valori, quem vel casus, vel rei ipsius
natura monetæ Poloniæ non ita pridem adscripsit: popu-
lò non solum non invito; sed & eà etiam de causà tantò
prom-

promptius assentiente, quod una cum nummo merces
quoq, ipsas, & quicquid habebatur in bonis, paria indu-
ere persentisceret incrementa: nemoq, omnium repe-
riretur, qui facultatibus suis quidquam decessisse adfir-
maret, quia valor insurrexisset monetæ.

Nisi quod redditus & proventus publici, sive etiam
stipendia, & census annui privatorum, aucto auri & ar-
genti pretio, ad eam penè nunc redacti intellegantur te-
nuitatem, ut pigere tandem possit intensi valoris: toti-
ens ob id damnati. Sed cui ista tamen, ut quid sit rei
brevibus expediam, calamitas nequaquam imputanda:
quin eorum potius, qui publicis rebus diligentiam suam
addixerant, conniventia; aut procrastinationi. Qui si
jure ac autoritate suà uti hucusq, voluissent, facilem ha-
buerant viam tuendi ab augmento monetæ census. Cum
& rationi naturali, & æquitati, & juri scripto omninò cò-
veniens id sit, & indubitatum; in ea monetæ bonitate
reditus & proventus publicos, sive census annuos exsol-
vendo esse omninò, præstandosvè; quæ eo tum tempo-
reungebatur, cum definirentur. Idvè ob has, quas hæc
subnectere allubuit, rationes.

1. Quia in negotio ac constituto omni mens ac in-
tentio agentium unicè inspicienda; atq, vel ipsi etiam
verborum conceptioni præferenda. Quæ cum de pro-
ventibus publicis, ac censu annuo constitueretur, alia
esse non poterat, quàm ut eo monetæ genere aut fructu,
qui istius tum fuerat temporis, publica ista debita exsol-
verentur. cum præfertim posteriorum temporum aug-
menta ne cogitando quidem assequi liceret: multò mi-
nus de eà constitui monetæ qualitate; quæ & incerta eo
usq, dum tempore erat, & in rerum naturam necdum
ingressa.

2. Quia expediti omninò, ac certi est juris, ratem
nasci obligationem; quale est formale pactionis; id est,
agen-

agentium consensus. Qui cum non ignorantium, multo minus errantium, sed verò scientium sit, & intelligentium; dubitare non licet, ad eam redditus publicos, ac census annuos pecuniæ qualitatem, ipsâ rei gestæ naturâ, fuisse definitos, quæ eo tum tempore functionem habuerat, ac usum.

3. Quia pro constituto id perpetim haberi jura volunt, quod vero similiter responsurus fuisset, de eo interrogatus.

Atqui nemo ambigere integræ mentis possit, sin eo tum tempore, cum redditus publici definirerentur, de futuro monetæ augmento casus propositus fuisset; haut ad sensuros incertitudini, quin de obviâ seu præsentî monetæ bonitate strictim responsuros fuisse eos, qui censuum publicorum susceperant partes.

4. Quia & ipsa palam ostendit ratio naturalis, haut sanè ad ea, quæ futura ac in incerto fuerant, sed quæ antepedes, quod dici solet, posita nihil quicquam habuerant incerti, reddituum publicorum rationes fuisse redactas. Nec turbandas adeò, aut incertitudini ulli ab accidentario monetæ augmento exponendas.

5. Quia quod semel certum ac firmum esse placuit, ex post facto incertum fieri non posse, Iuris Consultorum regulis docemur. Est autem obligatio ad pecuniam tam certa, ut nulla videatur certior. Quod qui paulò diligentius pensularit, ultrò fateri cogetur, non debuisse redditibus publicis fraudi id esse, aut detrimento, quod monetæ novius evenerat, & ex accidenti.

6. Ita porro interpretari oportet actus omnes, ut neutra pars defraudetur; quin utriusq; par ratio habeatur. Cui tam benigno ac æquissimo juris præscripto planè contrarium fuerit, ac adversum, sin qui redditibus publicis obstringuntur, mutati valoris incremento uti frui permittantur; atqui publicis verò usibus ac fructibus tantundem ex adverso detrahatur.

7. Quia

7. Quia secundum naturam esse constat, ut qui lucrum sentit, etiam oneri ferendo obligetur. Certum autem est, & agros, & fundos, & res quasvis censuales seu proventuales tantuplum majora ac ampliora reddere lucra, quantum, aucto monetæ valore, pretijs accessit rerum. ut meritò adeò reddituum publicorum integritati ac indemnitati ex ipsâ rei naturâ obligentur, qui lucro id habent, ex quo proventus ac census annui præstandi fuerant, ac exsolvendi.

8. Quia favorabiliores ejus semper sunt partes, qui de damno vitando agit, quàm qui de lucro captando laborat. Atqui id verò reddituum publicorum debitores, cum monetæ incrementa suæ accommodant utilitati, apertè agere videmus, ut quantum ipsi eâ ex causâ lucrantur, tantum redditibus publicis decedat. Quæ profectò major est iniquitas, & in commoda publica crudelitas longè acerbior, quàm ut tolerari amodò debeat, aut possit.

9. Neq; porro leve est, quod redditibus publicis ex eâ causâ infertur damnum: sed verò enorme admodum, & ultra dimidium justî excessivum. Quæ cum quandam doli speciem induere videatur tam procax, & tam enormis læsio, sananda tandem fuerit, & ad justitiæ ac æquitatis stateram revocanda.

10. Quia communiter id evenire videmus, ut cum in res censuales aut proventuales fortuiti grassantur casus, æquitatis quædam ratio admittatur. Quæ nec ipsis adeò etiam redditibus publicis, aucto per casus improvisos monetæ valore, invidenda.

11. Quia aliud pro alio invito solvi creditori non potest. Id quod verò, præter fas & æquum, palam ijs facere deprehenduntur, qui cum prisca valoris monetam superiori tempore præstitissent, postea aliam mutati valoris, ipsis etiam, quod longè est iniquissimum, redditibus publicis ingerere non erubuerunt.

12. Nana


12. Nam nec vinum novum pro veterere reddi pos-
se, Pomponius Ictus rescripserat olim. ut tantò minus in-
locum valoris prisce, id quod monetæ noviter evenerat,
surrogari permittatur.

13. Demum & jure Canonico expressè id constitu-
tum ac definitum legimus, ut census annui in ea solvan-
tur qualitate ac bonitate, quæ tempore constituti census,
aut proventuum publicorum, functionem habuerat, ac
usum. Ita Innocentius III. censum trium Papiensium de-
nariorum solvi quidem in denarijs Lucensibus jussit, qui
in locum Papiensium successerant: sed ut solutio ad æsti-
mationem Papiensium denariorum redigatur. c. olim
causam. 20. ext. de censibus. Similiter Gregorius IX.
debitum in priori monetâ exsolvi voluit: aut si ea am-
plius non sit in usu, æstimatione nummismatis antiqui.
c. cum Canonici. 26. ext. eod.

Ne de alijs porrò hæc rationibus addamus; quarum
copiosissima suppetit mesfis: & è quibus perquam con-
stat manifestò, multò esse obfirmatiora redituum publi-
corum jura, quam ut ullâ nummi inquietudine imminui
debuerint, ac defraudari. Quemadmodum & res domi,
forisq; gestæ [ut ad id, undè digressi fueramus, reverta-
mur] & tempora tota pecuniariæ vicissitudinis, Regiæ
ac publicæ officinæ existimationem, ab eâ, quâ inculpa-
ri consuevit, criminatione facillè vindicant, & quam ma-
feulè tutantur. Quippe quod prima initia mutationis, &
proximi successus, in notissimam & manifestissimam of-
ficinæ inciderint quietem. Vltior verò progressus, ac
prorogatio, foris cæpta, & aliunde varijs temporibus,
tractibusq; à vario hominum genere immissa fuerit, ac
invecta. Quæ si expendi, admittiq; ad se momenta rerum
humanitas, æquitasvè patietur, verendum non fuerit, ut
ulla vel integritas, vel innocentia quidquam post-

hac inhumani subeat aut

iniqui



Wist. Polon.
a general.

